

D. D.
DISSERTATIO
DE

POPULIS HERODOTO ME-
MORATIS, QUI SCANDIAM
HABITASSE FERUNTUR,

QUAM,

VENIA AMPLISS. FACULTATIS PHILOSOPHICÆ
IN REG. ACAD. ABOËNSI,

PRÆSIDE

MAG. *GABRIELE TIDGREN*,

L. L. O. O. ET GR. PROF. REG. ET ORD.

PRO GRADU

PUBLICE EXAMINANDAM SISTIT
STIPENDIARIUS REGIUS

JOHANNES LITHELL,

SVEO-GOTHUS,

IN AUDITORIO MAGORI
DIE VII JUNII ANNI MDCCCLXXXVI,
HORIS ANTE MERIDIEM SOLITIS.

ABOÆ, TYPIS FRENCKELLIANIS.

Plurimum Reverendo & Clarissimo VIRO,

DOMINO

CAROLO LITHELL,

Ecclesiæ, quæ Deo in Vansö colligitur, Pastori vi-
cario vigilantissimo,

PATRUO OPTIMO,

*In pignus qualecumque pii & beneficiorum memoris a-
nimi,*

SACRUM

voluit, debuit

JOHANNES LITHELL.



PRÆFATIUNCULA.

Quo majore monumentorum penuria laborat antiquissima patriæ nostræ historia, hoc patenterem quoque aperuit campum non conjecturis modo, sed etjam fabulis; quarum plerasque pridem licet exploserit ætas ceterior, neque tamen nullæ auctoritate & fide nondum plane exciderunt. Inter pris eos Scandiæ incolas ab *Olao Magni*, *Rudbeckio* & *Peringsköldio* centum amplius populi, aut plane fictitii, aut quos in his terris sedem unquam habuisse omni caret verisimilitudine, referuntur. Recentiores rerum Syiogothicarum Scriptores, *Jac. Wilde* præfertim & *v. Dalin*, uterque de historia nostra immortaliter ceteroquin meritus, non solum plura hujus generis commenta in scenam reduxerunt, verum & novas ipsi architectati sunt hypotheses, æque falsas, aut saltem improbables, ab aliis tamen postmodum suscep tas. Cumque errores faciliorem fidem saepe invenire soleant quam veritates, & plerique quam ignorantiam vel incertitudinem admittere, fabulis assensum præbere malint; non inutile existimavimus, quæ de gentium septentrionalium Aboriginibus a sequioris ævi Scriptoribus aut a vero aliena, aut in-

certa & dubia affirmari videntur, notare. Quoniam autem totum argumenti hujus ambitum nec per temporis rationem peragrare nunc licet, nec scripturæ hujus modus capit; particulam ejusdem, de populis quibusdam, Historicorum profanorum antiquissimo *Herodoto* memoratis, qui orbem hunc arctoum incoluisse traduntur, nobis heic examinandam secernemus; via lubrica & salebrosa, festinanter cursa, forte quoque labentibus apud æquum lectorum paratam fore veniam non dubitantes.

§. I.

De Hyperboreis.

In antiquis Scandiæ incolis vulgo habentur *Hyperborei* (a). Græcis olim persuasum erat, boream ex ingenti tractu montium, quos Riphæos appellarent, oriri, eundemque igitur spirare non posse in regione trans hos montes sita, cuius incolis iccirco Hyperboreorum, h. e. supra boream incolentium, nomen

(a) Catalogum sistere possemus aliquot paginas impletum Scriptorum, Scandanis Hyperboreorum nomen tribuentium; instar omnium autem nominasse sufficiat *Wildium* in Præp. hodog. §. 62—66, *Tuneld* in Geogr. Sv. p. 2, v. *Dalin* in Hist. R. Sv. T. I. p. 12, 49, 142, 187 & *Lagerbring* in Diss. de Immortalitate mentis ad doctrinam Hyperboreorum, §. 1.

men indidere (*b*). Vetustissimis temporibus ventum hunc in monte Thraciae Hæmo natalem habuisse sedem somniasse videntur (*c*). Postquam Daciam & Mœsiam cognoverant, Hæmo substituerunt Alpes, eosque Riphæos montes dictitarunt (*d*); tandemque non

A. 2

fine

(*b*) Rudbeckius in Atl. T. I. p. 367 & 368 nomen hoc deducit ab *yfver*, altus, illustris, & *boren*, natus, ut adeo denotet virum illustri loco natum, Svethice *bög-boren*, nec admirari satis potest ineptam, se judice, interpretationem Græcorum, suæ illud linguae vindicantium, quasi ab *ὑπερ*, supra, & *βορέας*, aquilo, conflatum esset. (*c*) Præterquam quod Poëtæ veteres, nec solum Græci, sed etiam Latini, aquilonem Thracicum vocitent, Valerius Flaccus Argonauticor. L. II. v. 519 & 520, *Orpheo* forte, vel *Olene* præeunte, ventum hunc, per Riphæa juga latum, a gelidi convallibus Hebrei, amnis Thraciae, tolli, & Virgilius Georg. IV. 517 seqq. Hyperboreas glacies Riphæasque pruinæ ab Orphæo Thraciam percurrente lustratas esse canunt. Nec dissitam procul a Græcia creditam fuisse olim Hyperboreorum patriam, inde est verisimile, quod Herodotus L. IV. p. m. 146, Plinius in Hist. M. L. IV. C. 12 & Solinus in Polyh. C. 21 commemorent, eos duas virgines, primitias terræ ipsorum Apollini sacrificaturas, Delon quotannis mittere solitos fuisse. (*d*) Posidonius apud Athenæum Deipnosoph. L. VI. C. 4 & Protarchus ap. Stephanum Byzant. de Urbibus p. 296 narrant, montes, qui eorum ætate Alpes vocabantur, olim dictos fuisse Riphæos, & populos transalpinos Hyperboreos; quod etiam nomen Heraclides Ponticus apud Plutarchum in vita Camilli p. m. 140 tribuit Gallis, qui seculo ante Chr. N. 4 facta in Italiam

sine admiratione comperto, ne Galliam quidem & Germaniam a boreæ afflatu immunes esse, in remotissimas fibique minime notas Afitæ Europæque oras montes hos & ultra eosdem degentes Hyperboreos ablegarunt (e). In Scandinavia primus eos reposuit *Adamus Bremensis* (f). Græci terram vento aquiloni non obnoxiam pulcherrimam esse debere in annum inducebant. Quamquam igitur Hyperboreorum regio sex anni mensibus solis luce carere, & assiduo nivis, plumas referentis, casu *Pterophorus* di-

cere-

impressione Romam ceperunt. Hinc quoque *Apollonius Rhodius* L. Argonaut. IV. v. 284—287 & *Aeschylus* ap. Scholiasten ejusdem in Annot. ad l. c. f. 206, n. 25 a terra Hyperboreorum & montibus Riphais ortum ducente tradunt Istrum, quem sequioris ævi auctores a jugi Alpici capite descendere, utut perperam, ajunt. V. *Strabo* L. IV. Geogr. p. 207. (e) *Dionysius Periegetes* v. 314 & 315 ad Fluvium Tatariae minoris Panticapen, *Scymnus* & *Callimachus* ap. allegatum modo Scholiaст. Apollonii l. c. longius orientem versus, *Aethicus Cosmographus* p. 122 circa ortus Tanais & Borysthenis, *Pomponius Mela* de situ Orbis L. III. C. 5 & *Damastes* ap. Stephanum l. c. ad Asiatica maris septentrionalis littora, *Diodorus Siculus* L. II. p. 158 in insula Oceani Galliarum opposita eos collocarunt. (f) De Situ Daniæ C. 232. Eodem Monacho fabulante vicinas solitudines tenuerunt Amazones, Cynocephali, caput in pectore gestantes, Cyclopes, unicum in fronte habentes oculum, Himantopedes, altero pede salientes & Anthropophgi, a quibus nominandis abhorret.

ceretur (*g*); nihilo tamen minus iidem tam clementi
aëris temperie tantaque soli fertilitate uti ferebantur,
ut bis quovis anno meterent & ne tectis quidem do-
mibusque egerent, sed in nemoribus lucisve, præci-
pue olivetis, sub dio degerent; discordiam, nedum
bella, laborem omnemque ægritudinem nescire; sed
in sacris faciendis conviviisque & ludis celebrandis,
choreis ducendis & fidibus pulsandis longam tradu-
cere vitam; quam etsi beatissimam agerent, tantum
tamen a mortis metu abesse, ut contra sæpe eandem
ultra accerferent, festisque induiti vestibus, delibuti
& fertis redimiti se hilariter in pelagus præcipites da-
rent; plerique tamen senio confecti sine vi & morbo
obire (*h*). Tam magnifica de hac gente ejusque pa-
tria prædicant Veteres (*i*); quæ vero maximam par-
tem ex ingenio duorum Poëtarum *Olenis Lycii* (*k*)

A 3

& A-

(*g*) Cfr. *Herodotus* & *Plinius* ll. cc. (*b*) Dum *Cle-
mens Alexandrinus* L. I. *Stromatum* p. 305 de Hyperbo-
reis refert, quod sexagenarium quemvis suæ gentis ho-
minem interficere solerent, eos confusile videtur cum
Padæis, gente Indica, cui hunc morem tribuit *Herodo-
tus* III: 88. (*i*) *Herodotus* IV: 143 seqq. *Pindarus Od.
Pyth.* X. *Pomp. Mela*, *Plinius*, *Diodorus Sic.* *Hecatæum*,
quem ipse L. I. p. 44. auctorem fabulosum esse ait, secutus
& *Solinus* ll. cc. (*k*) Hunc in hymno, quem in Achæam
confecit, primum versibus mandasse esse homines ultra
boream degentes, eosque Hyperboreos appellasse memo-
riæ prodit in *Descript. Græc.* L. V. p. 154. *Pausanias*,
qui L. IX. p. 302 eundem antiquorem fuisse tradit Or-

& Aristæ Proconnesii (l) propullularunt, quæque ad exemplar aliquod in rerum natura existens non magis conformata esse videntur, quam neotericorum Scriptorum phantasmata de Utopia, Republica Solis, Lillipyttio aliisque in mundo imaginario sitis regionibus; unde & ipse Herodotus, auctor minime scepticismo laborans, in quæstione posuit, utrum Hyperborei existerent (m) & Geographorum veterum intellig-

gen-

pheo & Argonautis, ut adeo vix post sec. a. N. C. XIV vivere potuerit. Septentrimonem nostrum jam tum incolas habuisse & innotuisse Græcis, qui tamen Homeri tempore, longe posteriori, vicinum sibi mare Adriaticum nondum norant, ut ostendit Wood in Versuch über das Original-genie des Homers p. 78-85. a verisimilitudine abhorret. (l) Herodotus l. c. (m) L. c. p. 146 & 147 Herodoti heic monentis, si sint Hyperborei, esse quoque debere Hypernotios, apud quos non spiret austera, argumentandi rationem Eratosthenes ap. Strabonem l. c. similem esse judicat cavillo isti, quo negantur esse qui malis alienis gaudeant, quod non sint qui ex aliorum rebus secundis voluptatem capiant. At neque de certitudine veritatis inde quidquam decedit, quod sophismatis vel defensa vel oppugnata fuerit, neque Herodoto hinc dubia vila est existentia Hyperboreorum, sed quod & Scythis & ceteris finitimis populis, præterquam Issedonibus, incognita fuerit, incertumque etiam esset, annon Aristreas, cui quæ de Hyperboreis narrat accepta retulit Herodotus, & qui tot alia finxit, ex suópte quoque ingenio commentus sit ea, quæ de his ex Issedonibus se rescriisse afferuit.

gentissimus *Strabo* omnia, quæ cum de iis, tum de Riphæis montibus crepabantur, pro segmentis habere non dubitavit (*n*). Ceterum plerique recentiores Geographi, ut *Cluverius* (*o*), *Cellarius* (*p*), *Bayerus* (*q*) & *Schöning* (*r*), *Ptolemaeum* (*s*) secuti, fortunatos hos mortales in littoribus maris glacialis, quæ nunc temporis a gentibus minore invidia dignis, Lapponibus & Samoyedis tenentur, collocarunt. Aliis tamen benignioribus loca mitiori celo subiecta eis cedere vixum est, ut *Fischero*, qui (*t*) circa Hierasum, Tyram, Hypanem & Borysthenem, præfertimque in Chersoneso Taurica eos statuit, & *Penzelio*, qui (*u*) Tata-riam

(*n*) Lib. VII. p. 295, ubi inter alia ita: Διὰ τὴν ἀγνοεῖν τῶν τόπων, οἱ τὰ Πίνδαῖα ὄρη, καὶ τὰς Υπερβόρεας μυδοποιεῖσθαι, λόγῳ ἡγίωνται. Cfr. XI, 711. Idem quoque existimat videtur *Pindarus*; ait enim I. c. ad Hyperboreos contendenti neque mari neque terra iter faciendum esse, iisque cum Gorgonibus communem addicit mansionem. Religione in iporum in jocum vertit, eos solitos fuisse inclitas asinorum hecatombas sacrificare Apollini, eumque insolentiam exultantium bestiarum videntem a risu abstinere non potuisse referens. *Clemens etiam Alex.* I. c. L. IV. p. 543 Rempublicam Hyperboreorum æque commentitiam atque Platonis Atlanticam & campos Elysios esse censet. (*o*) De Germ. Ant. L. I. p. 11. (*p*) Geogr. ant. T. I. p. 395. (*q*) Vid. ejusdem Tab. Geogr. veteris Scyth. in T. I. Comment. Petropolit. (*r*) Norges Rijges Hist. T. I. p. 14 (*s*) Tab. I. (*t*) In Dissert. Germ. de Hyperboreis, Quæstionibus ejus Petropolit, quas a. 1770 edidit Schlœzer, inserta. (*u*) In

riam Bucharicam &, ne nimis arcte colerent, etiam Tibetanam eis habitandam liberaliter permisit.

§. II.

De Arimaspiis, Gryphibus & Issedonibus.

Hyperboreis, Herodoto auctore (a), vicini fuerre *Arimaspi* & *Gryphes*, quos & hinc ad Scandianos populos aggregant Historici nostri. *Arimaspi*, perinde ac *Cyclopes*, uno tantum oculo in media fronte posito usi, atque hinc etiam nomen, lingua Scythica unoculum significans, traxisse (b) feruntur; *Gryphes* autem fuisse voluere ferarum genus, quod aurum ex terra erutum plus quam vitam amare noverit & rabię humana contra Arimaspos, id rapere conantes, defensitarit (c). Hos Rudbeckius, a Suethico *gripa* ap-

Tractatu itidem Germ. Fischero opposito.

(a) L. III. p. 129 & IV. p. 143, 145. (b) *Arima* sc. unum & *spu* oculum Scythes vocasle docet Herodotus; quam vero nominis Arimasporum etymologiam rejicit, qui te linguae scythicæ callentiorem quam Herodotum existimavit, Rudbeckius l. c. p. 406, ab *aur*, sagitta, telum, & *madur*, vir, mutatis *aur* in *ari* & *madur* in *masp*, illud deducens. *Leibnitio*. autem in Misc. Berol. T. I. p. 6. a vocibus Alemannicis *arm*, pauper, & *speben*, speculari, natales ejus repetere vilum est. (c) Cfr. Plinius VII: 2, Metta II: 1, Solinus C. 25 & Pausanias I: 22.

) 9 ()

appellatos, piratas Scandicos (*d*); illos autem cum
G. J. Vossio sagittarios, qui quod unum, ut affolet,
oculum, quoties dirigendus foret arcus, clauderent,
monoculi dicti sint (*e*), fuisse affirmat. *Wildius Gry-*
phes veteri *Jarnberiae* vel *Dalice* incolas adjudicat,
eorumque nomen a vocabulo *Gothico gripur*, cime-
lium, quod de auro e fodinis effosso interpretatur,
derivat (*f*); in *Arimaspis gigantis Ymii*, a *Mytholo-*
giæ Scandicæ conditoribus fabricati, progeniem agno-
scit; neque tamen eo minus ex utrisque illud Nano-
rum genus, cuius in fabulis *Islandicis* passim mentio
fit, excludens (*g*). Evenit sc. *Historicis*, æque ac
naturæ scrutatoribus, ut facta & res explicare insti-
tuant, antequam evictum fuerit, illa peracta esse, has
existere. *Aristeas* ille, quem allatae de his populis
narrationis ob sidem citat *Herodotus*, primus *Græco-*
rum Arimaspos & Gryphes, confecto de illis carmi-
ne, quod *Arimaspea* appellavit, in scenam produxit
(*h*). Quamvis autem is, *Strabone* judice, præstigiis

B

ne-

(*d*) L. c. p. 408 & 409. (*e*) *Eustathius* in comment.
ad *Periegesin Dionysii* v. 31, p. 11 idem' jam ante *Vos-*
sium conjectit; quod vero cum omnes omnino *Scythæ*
fuerint sagittari, nec aliarum gentium jaculatores ambo-
bus simul oculis scopum intueri soleant, peculiariter cuidam
Scytharum tribui nomen conflasse, non admodum pro-
bable est. (*f*) L. c. §. 68. (*g*) L. c. & § 69. (*h*) *He-*
rodotus I. c. & *Strabo* I. 21 coll. *Casauboni* ad h. l.
annot.

nemini fuerit secundus (*i*); quamvis animam suam corpore exutam sub specie corvi mundum circumvolitasse hominibus persuadere voluerit (*k*); neque tamen se portenta hæc, singulari opere a se descripta, fuismet videndi oculis facile explendæ satisfecisse curiositati, sed quæ de iis retulit ab Issedonibus accipisse tradit omnia. Cumque recentiores auctores quæ super hoc argumento habent, nec ipsi finxerunt, ab Aristea vel Herodoto mutua sumfisse dubitari vix possit; ecquis fidem præstabit, hos Arimaspos Gryphesque non esse vigilantium somnia, perinde atque Centauros, Faunos, Satyros, Cyclopes, Harpyias aliasque quamplurimas monstrum species, quas ferax Græcorum imaginatio aut invenit, aut adoptavit (*l*)? Quicquid autem hujus est, saltem in peninsula Scandiae existere non potuere; præterquam enim quod incertum est, utrum incolas habuerit eadem tempore Aristæa (*m*); Arimaspi *Issedonibus* confines fuisse Her-

ro-

(*i*) Αριτσαῖος ὁ πονθῆς Τῶν Ἀρμασπίων καλεσμένων ἐπῶν, αὐγῆς γόνης, ἐτις ἄλλος. L. XIII. p. 589. (*k*) *Herodotus* l. c. *Hesychius Illustr.* de iis, qui eruditio[n]is fama inclaruerunt p. 7 & *Maximus Tyrius* in *Dissert.* 22 & 28. (*l*) *Arimaspi Evergetæ*, qui Alexandri M. ætate in parte Orientali Perfidis & vicinia Gedrosiorum, neque adeo procul ab ostio Indi habitasse *Diodoro Sic.* XVII: 605 dicuntur, plane diversi ab his esse videntur, forte qui ab aliis scriptoribus in his tractibus ponuntur Arachosii & Ariani. Cfr. *Curtius* L. IX. C. 10. (*m*) Secundum *Herodotum* l. c. Aristeam vixisse oportet circiter

rodoto dicuntur. Hos quidem etiam in septentrione nostro ponunt *Rudbeckius* (*n*), *v. Dalin* (*o*), *Schöning* (*p*), & qui non minorem terrarum tractum, quam ab Ostrobotnia inde ad Wistulam usque porrectam Balti maris oram ipsis assignat, *Wildius* (*q*). Contra ea *Herodotus*, quem memorati modo auctores, etiam non præcedentem, se tamen sequi interdum alioquin affirmare solent, Issedones e regione Massagetarum, quos ultra Araxem & Caspium mare sub auroram solisque ortum amandat, incoluisse diserte docet (*r*). *Ptolemaeus* (*s*) ab orientali montis Imai parte in confinio Chinæ, & *Solinus* (*t*) itidem in Asia anthropophagis annumeratos eos fistunt. Nec *Plinio* (*u*) & *Melæ* (*x*) arctoæ plagæ propiores quam juxta Mœotim traduntur.

§. III.

De Argippæis.

In interiore parte Scythiae Issedonibus ab occasu accoluisse *Argippæos* commemorat *Herodotus* (*a*).

B 2

Hos

octingentos a N. C. annos. Alii Homerum eo usum fuisse Magistro tradunt. V. *Strabo* XIV: 639. (*n*) L. c. p. 436. (*o*) L. c. p. 12. (*p*) L. c. C. 1. § 33. (*q*) L. c. §. 76. (*r*) L. 52. (*s*) Vid. *Tab. Asiae* VIII, apud Eund. (*t*) C. 20. (*u*) IV: 12. (*x*) II: 1.
(*a*) IV: 145.

Hos capite inde a natalibus calvo, simis naribus & ingentibus mentis insignes fuisse narrat; vicitasse ex arboribus, ficos magnitudine exæquantibus, & fructus ferentibus fabis similes, e quorum nucleo succum, quem lacte commixtum potare solebant, vestibus expresserint, ipsam massam sæcemeque ad esum componentes; unumquemque eorum sua sub arbore habitasse, eamque hiemali tempore albo pileo contexisse; usum armorum supervacuum eis reddidisse sapientiae morumque innocentiae famam, non solum a feris accolarum populis eos inviolatos præstantem, sed etiam tantam venerationem & fidem ipsis conciliantem, ut dissidiorum inter finitimos ortorum arbitria ad eos deferrentur. Hac imagine repræsentatos *Rudbeckius* (b) clare internoscit Lappones, quos a supra explicato *aur* & *kippas*, certare, dictos fuisse *Arkippar*, h. e. jaculando inter se certantes, musinatur. Monet autem *Herodotum* non satis recte assentum esse quæ de hoc populo accepit; quia nec in septentrione nostro semper calvi nascuntur infantes, licet rariore & albidiore plerumque utantur capillo, cum ex adverso in locis australibus crinibus densis & atratis in lucem edantur; nec succus potabilis aut esculentus ex nucibus pineis vel abiegnis ipso sciente exprimitur. Albi pilei commemoratas arbores hieme tegentis commodam & expeditam interpretationem nix & glacies ipsis subministrant. Neque *Wildius* (c) Argippæos

pro

(b) L. c. p. 431 — 434. (c) L. c. §§. 69, 70 & 71.

pro Lapponibus habere dubitat; at etymologiam nominis eorum Rudbeckianam improbat, quod qui armorum usum, teste Herodoto, nescivere, nec iis certare potuerint, nisi forte vocabulum *kippas* ad amicos animi & exercitii gratia de collineando feriendoque scopo certantes trahere velis. Probabilius a Gothicis vocibus *ar* & *giāfva*, fatum successumque significantibus, *Argiāfī* & terminatione Græca litterarumque vulgari permutatione Αγγιππάνοι, i. e. fatidici & rerum secundarum auctores, ipso existimatore denominati fuere. Arboris viētum eis præbentis descriptionem in juniperum, quæ in Lapponia & laeta floret & surgit in altum, & ex cujus baccis pultem, cum cibo, tum potui inservientem, fieri in vulgus notum est, quadrare judicat. Rationem autem, quæ Herodoto fuerit, calvitiem Lapponibus tribuendi, eam fuisse vir sagax conjicit, quod, cum audiverit solitos eos fuisse venationem publicam, quam suethice *skall* dicimus, celebrare, & in societas venatorias, *skall-lag*, dispertitos fuisse, ignoratione linguae & ambiguitate Scythici vocabuli deceptus, sodalitatem venatorum de multitudine calvorum hominum interpretatus sit (d). Ad opiniones tam contortas omnique verisimili-

B 3

litu-

(d) Præterquam quod societas hujus generis nec dum inter Lappones introductas esse constat; venatio eorum lingua non dicitur *skall*, quo nomine sacram coenam designant, sed *weidem*, *pintem*, *skogem* aut *mas-sien tålmotem*. V. Lexic. Lapponic. *Lindablii* & *Öhrlini*.

litudinis specie destitutas operose confutandas descendere non juvat. Quod si quid veri narrationi inest Herodoteæ, Argippæi Gymnosophistæ Indici, qui fructibus palmæ cujusdam generis vixerunt, quales à vitæ genere *Hylobii* appellati sunt, fuisse videntur. Indiae saltem partem vel confinia incoluisse, inde verisimile fit, quod Issedonibus vicini ferantur. Ceterum *Plinius* (e), *Mela* (f) & *Solinus* (g) characteribus adeo similibus iis, quibus Argippæos notat Herodotus, delineant *Arimphæos*, quos vero in Asiaticis populis omnino numerant, ut utrosque *Wildius* unam eandemque gentem recte aestimasse videatur, suam ipse hypothesin sic quoque destruens.

§. IV.

De Budinis, Gelonis & Neuris.

Trigam populorum, *Budinos*, *Gelonus* & *Neuros* incoluisse terram, palude, mûlta arundine consita, ingentique lacu, lutris, castoribus aliisque animalibus, e quorum pellibus vestimenta conficiebantur, abundante, memorabilem, auctor est *Herodotus* (a). Evidentioribus iis, quæ heic a Græco Historico fistuntur, criteriis *Rudbeckio* arbitro (b) numquam designari potuit. Botnia nostra, quippe cuius incolæ hodie quo-

(e) VI: 13. (f) I. 21. (g) C. 21.

(a) L. c. p. 161, 162. (b) L. c. p. 429.

quoque Botnienses vocantur, & in cuius orientali parte inveniuntur cum tot paludes, ut isto nomine reliqua orbis loca vincat, tum lutræ, castores & phœcæ, tantumque arundinum, ut casas & granaria sua istis contigere soleant rustici. *Herodotos* *Neuros* trigesima annos (*γενεῦ μῆν*) ante bellum a Dario Hystris Scythis illatum in terram Budinorum concessisse docet, a cuius migrationis, in annum circiter 540 ante Chr. N. incidentis, tempore *Neuros* Budinosque Forniothero duce ad finum Botnicum ipsamque Scandinaviam profectos esse ait *Bayerus* (c). Hanc hypothesin, solo inventoris arbitrio nixam, amplecti non dubitarunt *Wildius* (d) & v. *Dalin* (e); quorum hic, cui ceteroquin visum est in annum a C. N. 400 peregrinationem eorum protrahere, comites itineris eis adjungit *Gelonos* (f). *Wildius* addit vestes pelliceas Budinorum dubio procul fuisse amicula e pellibus rangiferinis confecta, suethice *Lappmuddar*; quæ vero exegesis, cum Renones non sint animalia aquatica, Herodoto refragatur. Nec facile lectores intelligentes & a partium studio alieni relationem Herodotem de harum nationum patria Botniæ convenire

judi-

(c) In Comment. Petrop. T. I. p. 418 & 419. (d)
L. c. §. 75. (e) L. c. p. 51—55. Ipsum transcripsit *Eckman* in Wermeland i sitt åmne och i sin uppodling, p. 17 & 18. (f) Hos populos gentis nostræ aborigenes fuisse etiam opinatur auctor libelli Holmiæ 1768 editi; Inledn. til Sy. Hist. och Stats-Kundsk.

judicaturi erunt. Testatur enim laudatus Historico-
rum parens (*g*), Laxiorum Sauromatarum regionem
a Tanai & Mœotide in longitudinem itineris quindecim
dierum aquilonem versus esse porrectam, & su-
pra eos incolere Budinos; at in unius diei iter ducen-
ta stadia a se computari expresse ait (*h*). Oportet igitur
horum fines 3000 stadiorum, vel circiter 40 millia-
rium saethicorum spatio a fluvio & palude modo
commemoratis abfuisse. Idem præterea Neuros a-
mnem Hypanem, qui hodie Bog dicitur & per Podo-
liam in pontum Euxinum decurrit, accoluisse indi-
cat (*i*). Ex his conficitur, regiones, quas habuere
hæ gentes ætate Herodoti, in parte occidentali & au-
strali Poloniæ, nec hodie lutris & castoribus carente
(*k*), inveniri. Circa quingentos post Herodotum an-
nos, quo tempore scriperunt *Plinius* & *Pomp. Mela*,
etiamnum Poloniæ & confinis Russiæ tractum tene-
bant (*l*), & seculo post C. N. 4 tantum abest, ut pro-
pius septentrionem nostrum commigrassent, ut ultra

Ta-

(*g*) P. 144. (*b*) P. 161. (*i*) P. 144. (*k*) *Büschings*
Erdbeschr. I Th. 2 B. p. 970. (*l*) Vita Nomadica, quam
agebant Neuri & Budini, modo huc, modo illuc, pascu-
orum mutandorum causa, divagantes, ratio esse potuit,
cur illos *Mela* II. 1 circa caput Tyræ in Ruffia Rubra, hos
I. 21 inter Sarmatas Tanaïcos; illos *Plinius* JV: 12 ad
ortum Borysthenis in ducatu Smolenskoensi, hos vero I.
c. supra Taphras, vel isthmum Precopensem, posuerint.

Tanaim in Asia agitarent (*m*). Ceterum ab his populis unquam contactum fuisse solum Scandicum nemmo veterum submonuit; unde & sententia Schöningii (*n*), vetustissimos Norvegiæ incolas ab iis descendere facientis, corruit.

§. V.

De Cimmeriis, Thyssagetiis, Sigynis aliisque.

Cimmerios, Herodoto nominatos, in Kemensi Lapponiæ ditione coluisse, eosdemque fuisse, qui postea *Cimbri* vocati sunt, *Rudbeckius* (*a*), *Björnerus* (*b*), *Wildius* (*c*) & *v. Dalin* (*d*) statuunt, nec improbat *Lagerbring* (*e*). In vexatam de unitate horum populorum opinionem, lubrico illo & ruinoso fundamento, quod similis nominum sonus substernit, potissimum nixam (*f*), non nostrum heic est inquirere. Ad *Cimmerios* autem quod attinet, ex *Herodoto* (*g*), cum *Strabone* (*h*) & *Dionysio Alexandrino* (*i*) collato, li-

C quet,

(*m*) *Ammianus Marcellinus Lib. 31.* (*n*) L c C. I, § 8.

(*a*) L. c. p. 460 & 521 seqq. (*b*) Sv. R. Håvda ålder p. 9 & 52. (*c*) L. c. § 73. (*d*) L. c. p. 42. (*e*) In Diff. cit. & Hist. Sv. T. I. p. 570. (*f*) Cfr. Bayer l. c. T. II. p. 425 seqq. (*g*) L. I. p. 4 & 28, IV. 142 seqq. Aristeas heic ait, *Cimmerios* incoluisse ἐπὶ τῷ νεῖλῳ θαλάσσῃ, quæ verba *Wildius* l. c. §. 74, p. edit. suēc. 208 reddit vid ostension. (*b*) L. III. p. 149. & LXI. p. 494. (*i*) L. c. V. 167 & 168.

quet, antiquissimas eorum sedes fuisse inter fluvium Tyram &, qui ab eis nomen traxit, Bosphorum Cimbrorum, hincque, Nino Assyriorum Rege vivente, a Scythis expulsos contulisse se non septentrionem & occidentem versus, ut vult *Wildius*, sed iter semper secundum mare tenentes, in Asiam, ibique consedisse in Paphlagonia & Chersoneso Sinopica, inde autem ab Halyatte, Lydorum Rege, Crœsi Patre, rursus ejectedos in Europam rediisse; quo autem se proripuerint, non docet. At si vel maxime ponantur ad boreales usque Europæ oras se recepisse, & nomen Cimbrorum postmodum induisse; neque tamen sic probabilius evadere, umquam habitatam ab eis fuisse Chersonesum Scandicam, facile ostenderetur, si paullo longiorem de Cimbrorum, Herodoto non commemoratorum, sedibus disquisitionem instituti ratio admitteret. *Thyssagetas*, ad quos a Budiniis, peragrata octodierum itineris solitudine declinandoque magis ad ventum subsolanum, perveniri ait *Herodotus* (*k*), ultra Savolaxiæ & Careliæ silvas ad Cronium mare incoluisse docet *Rudbeckius* (*l*); eisque Rhymtuslos nostros, quos fabulæ Eddicæ primos Septentrionis incolas fuisse perhibent, & nomen & originem debere censet *Wildius* (*m*). At cum *Herodotus* testetur (*n*), quatuor fluvios a Thyssagetais ortos in Mœotidis paludem se exonerare, nec quantulacumque soni vocum congruentia

(*k*) L. c. p. 144. (*l*) L. c. p. 430. (*m*) L. c. §§ 18 & 72. (*n*) L. c. p. 165.

entia ad veritatem Historicam evincendam sufficiat; vel hinc patet, quid de his opinionibus sit habendum. Regionum Thraciæ ab aquilone adjacentium & trans Istrum sitarum non alii ad *Herodoti* notitiam pervererant incolæ, nisi soli *Sigynæ* (o), confines Venetis, qui Adriatico mari prætendebantur. Hos Taciti fuisse Sviones, qui ab urbe Sigtuna quondam egressi & hinc Sigtunes vel Sigutnes denominati, in his locis resederint, existimat *Gibertus* in *Memoires pour servir à l'histoire des Gaules & de la France* (p). At præterquam quod Sigynæ veste Medica utebantur & se colonos esse Medorum ipsi asseverabant; cum Sigtunæ ab Othino conditæ ætas ultra seculum anni Nat. Christ. primum vix referri possit, Sigynærum autem nomen jam ante Herodoti tempora extiterit, hinc sphalma oritur chronologicum minimum quatuor seculorum. E ceteris, quarum meminit Herodotus, populis, *Agathyrsi*, *Amazones*, *Arii*, *Capripedes*, *Caspii*, *Libyes*, *Lydi*, *Massagetae*, *Nasamones*, *Phryges*, *Tauri*, *Thraces & Trojani*, omnes a fabulatorum nostrorum antefignano Rudbeckio (q), quidam

ab

(o) L. V. p. 183. (p) P. 220 — 222. (q) De quo id eo *Bruzen la Martiniere* in Lexic. Geogr. & Crit. T. III. p. 1351, Schweden, ait, war vor der gute mann eine tasche, in welche er alles dasjenige wohl oder übel stopfete, was er in den Schriften der Alten zusammenbringen konnte.



ab *Olae M.* (r) quoque, *Peringskoldio* (s), *Lundio* (t),
Björnero (u), *Wildio* (x) & v. *Dalin* (y) Scandiam o-
lim habitasse dicuntur; hæc autem, cum aut meris
nominum allusionibus, aut aliis rationibus æque sicul-
neis, nec contra rerum fidem Veterumque, singulis
his gentibus sedes a septentrione nostro procul remo-
tas assignantium, testimonia quicquam probantibus,
superstructa sint; examine & refutatione nec indige-
re, nec digna esse arbitramur.

(r) In *Charta Goth.* ap. *Peringskoldium* in *Annot.*
ad *Vit. Theoderici* auct. *Cochlae.* (s) L. c. passim. (t)
In *Zamolxe.* (u), (x), (y) *Ll. cc.*

